



საქართველოს იუსტიციის უმაღლესი საბჭო

ქ. თბილისი № 1/151

“ 18 ” ნოემბერი 2020 წ.

ბ ა ნ კ ა რ ბ უ ლ ე ბ ა

ზ. ესებუას თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ზვიად ესებუა 2020 წლის 1 დეკემბრიდან გამწესდეს თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასახუთება
ზვიად ესებუას თბილისის საქალაქო სასამართლოს
მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2020 წლის 26 ივნისის №1/89 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს სამოქალაქო საქმეთა კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2020 წლის 29 ივნისიდან 19 ივლისის ჩათვლით. მითითებულ ვაკანსიაზე დარეგისტრირდა 35 კანდიდატი.

2020 წლის 24 ივლისიდან 21 აგვისტომდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ზვიად ესებუაზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 24 აგვისტოს.

კანდიდატის შესახებ მოძიებული ინფორმაცია:

ზვიად ესებუას აქვს სპეციალობით მუშაობის 24-წლიანი, მათ შორის მოსამართლედ მუშაობის 22-წლიანი გამოცდილება. იგი 1993-1999 წლებში იყო ქ. სოხუმის მოსამართლე, 1999-2015 წლებში კი - საერთო სასამართლოების მოსამართლე.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ზვიად ესებუას გაესაუბრნენ 16 ოქტომბერს. გასაუბრება წარიმართა ღია სხდომაზე და მას ესწრებოდნენ არასამთავრობო ორგანიზაციების წარმომადგენლები.

კანდიდატის შეფასება:

2020 წლის 5 ნოემბრიდან 12 ნოემბრამდე პერიოდში იუსტიციის უმაღლესი საბჭოს 15-მა წევრმა კანდიდატი ზვიად ესებუა შეაფასა კომპეტენტურობისა და კეთილსინდისიერების კრიტერიუმების მიხედვით.

ზვიად ესებუას კეთილსინდისიერების კრიტერიუმით შეფასებისას, საბჭოს შემფასებელმა 14-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა მიიჩნია, რომ კანდიდატი აკმაყოფილებს კეთილსინდისიერების კრიტერიუმს.

საბჭოს წევრთა მიერ ზვიად ესებუას კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1292 ქულა, რაც ქულების მაქსიმალური რაოდენობის 86.13%-ია.

კენჭისყრის შედეგები:

2020 წლის 18 ნოემბერს თბილისის საქალაქო სასამართლოს სამოქალაქო საქმეთა კოლეგიის მოსამართლის მე-3 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 14-მა წევრმა მიიღო, ზვიად ესებუამ მოიპოვა 10 ხმა.

აღნიშნულ ვაკანსიაზე ბიულეტენში შეყვანილ იქნა 28 კანდიდატი, მათგან 5 მოქმედი მოსამართლე, 9 ყოფილი მოსამართლე და 14 იუსტიციის უმაღლესი სკოლის ყოფილი მსმენელი, კერძოდ:

- | | |
|----------------------------------|---------------------------------|
| 1. ბებიაშვილი მიხეილ - 0 ხმა | 15. მამაცაშვილი ქეთევან - 0 ხმა |
| 2. ბერეკაშვილი ქეთევან - 0 ხმა | 16. მარშანია ნათია - 0 ხმა |
| 3. ბიწაძე ეკატერინე - 0 ხმა | 17. მერაბიშვილი ნათია - 0 ხმა |
| 4. გიორგაძე ნინო - 0 ხმა | 18. ნადოი რეზო - 0 ხმა |
| 5. გოგატიშვილი დიანა - 0 ხმა | 19. სირბილაძე ცისანა - 2 ხმა |
| 6. გოგატიშვილი ნინო - 1 ხმა | 20. უბილავა გიზო - 0 ხმა |
| 7. დუგლაძე ქეთევან - 1 ხმა | 21. ურთმელიძე თამაზ - 0 ხმა |
| 8. ესებუა ზვიად - 10 ხმა | 22. ფუხაშვილი მორის - 0 ხმა |
| 9. ვატიტაძე გრიგოლ - 0 ხმა | 23. შოშიაშვილი მაია - 0 ხმა |
| 10. ზათიაშვილი ვერიკო - 0 ხმა | 24. ხაბალაშვილი ნინო - 0 ხმა |
| 11. თაყაძე თეა - 0 ხმა | 25. ხუსკივაძე ირაკლი - 0 ხმა |
| 12. კლდიაშვილი ლაშა - 0 ხმა | 26. ხუჭუა ვლადიმერ - 0 ხმა |
| 13. კოჭლამაზაშვილი არჩილ - 0 ხმა | 27. ჯავახიშვილი მაია - 0 ხმა |
| 14. კობრეიძე ლეილა - 0 ხმა | 28. ჯინჯოლია მიხეილ - 0 ხმა. |

დასკვნა:

კანდიდატის - ზვიად ესებუას კეთილსინდისიერების (საბჭოს 14-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, პროფესიული თვისებები) კრიტერიუმების გათვალისწინებით, კენჭისყრის შედეგების საფუძველზე, სხვა 27 კანდიდატთან შედარებით უპირატესობა მიენიჭა და შესაბამისად, თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა ზვიად ესებუა.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

